



Adresseinformasjon fylles inn ved ekspedering.
Se mottakerliste nedenfor.

Dato: 19.12.2018
Vår ref: 15/00078-18
Deres ref:

Tildeling av driftskonsesjon etter minerallova for Synshagen massetak gbnr. 47/2 og 48/1 i Vang kommune. Tiltakshavar: Strømmen Maskin AS

Leiv Erikssons vei 39
Postboks 3021 Lade
N-7441 Trondheim

TELEFON + 47 73 90 46 00

E-POST post@dirmin.no

WEB www.dirmin.no

GIRO 7694.05.05883

SWIFT DNBANOKK

IBAN NO5376940505883

ORG.NR. NO 974 760 282

SVALBARDKONTOR

TELEFON +47 79 02 12 92

Direktoratet for mineralforvaltning med Bergmeisteren for Svalbard (DMF) visert til
søknad om driftskonsesjon datert 22. desember 2014 fra Strømmen Maskin AS (org.
nr. 982 231 965).

1. Konsesjonen

Direktoratet for mineralforvaltning med Bergmeisteren for Svalbard (DMF) visert til
søknaden om driftskonsesjon datert 22. desember 2014 fra Strømmen Maskin AS (org.
nr. 982 231 965). Strømmen Maskin AS (org. nr. 982 231 965), heretter kalla
«Tiltakshavar» eller «Tiltakshavaren», får med dette driftskonsesjon etter minerallova
§ 43.

Tiltakshavaren får driftskonsesjon for uttak av fast fjell i Synshagen massetak på del av
eigedomen gbnr. 47/2 og 48/1 i Vang kommune. Mineralførekomsten hører til
kategorien mineral som grunneigaren eig.

Konsesjonsområdet har eit areal på kring 52 daa og går fram av kart «Synshagen
massetak – konsesjonsområde».

Etter reguleringsplan «Synshagen massetak (R 74)», sist revidert 16. juni 2009, er
området regulert til steinbrudd og massetak.

2. Vilkår

Konsesjonen blir gjeven på desse vilkåra:

2.1. Driftsplan

Drifta skal til ei kvar tid gå føre seg i samsvar med ein driftsplan godkjend av DMF.

Dersom Tiltakshavaren ønskjer å gjere vesentlege avvik frå driftsplanen, skal DMF
godkjenne dette på førehand.



DMF kan krevje ny oppmåling og at ajourførte kart og profilar skal sendast inn når DMF finn det nødvendig.

Merknadar til driftsplanen som ligg ved skal rettast seinast ved neste ajourføring/revisjon av driftsplanen.

2.2. Økonomisk sikkerheit

Tiltakshavaren blir pålagd å stille økonomisk sikkerheit med NOK 600 000, som skildra i punkt 5.11 av vedtaket, for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51.

Den økonomiske sikkerheita skal stillast i form av ein bankgaranti for eit grunnbeløp på NOK 300 000, og deretter årlege avsetjingar til ein bankkonto som det skal etablerast pant i til fordel for DMF slik at Tiltakshavaren ikkje kan råde over kontoen på noko vis, begge deler som skildra i punkt 5.11.

Innan 2 månader etter datoén på dette konsesjonsvedtaket skal Tiltakshavaren ha:

- (i) inngått ein avtale om finansiell sikkerheit med DMF, se vedlegg;
- (ii) lagt fram påkravsgaranti frå bank som DMF vurderer som tilfredsstillande;
- (iii) etablert pantet til fordel for DMF, jf. pantelova §§ 4-4 til 4-6.

2.3. Bergteknisk ansvarleg

Det skal utan grunnlaust opphald sendast skriftleg melding til DMF om alle skifte av bergteknisk ansvarleg for eit uttak.

DMF gjer merksam på at ein driftskonsesjon gjeven etter minerallova ikkje erstattar krav om løyve, godkjenning, arealplan eller konsesjon etter anna lovgjeving.

3. Godkjenning av driftsplan

DMF godkjenner driftsplanen for Synshagen massetak, med mindre merknadar. Sjå DMF si vurdering i punkt 5.4. Den godkjende versjonen av driftsplanen ligg ved dette konsesjonsvedtaket.

4. Høyring

Søknaden om driftskonsesjon har vore på høyring, jf. forvaltningslova § 17, hos Vang kommune, Oppland fylkeskommune, Fylkesmannen i Oppland, DSB, NVE og aktuelle private parter.

Høringsperioden var frå 25. oktober 2018 til 23. november 2018.

Frå høyringsfråsegnene har DMF særleg merkt seg dette:

Vang kommune

Tiltaket er innafor godkjent reguleringsplan. Planen vart opphaveleg vedteke i 2003, med revidering sist i 2009. Det vert lagt til grunn at endringer i krav og lovverk sidan vedtak av plan vert overheldt ved tildeling av konsesjon for drift. DOK-analyse syner ingen sårbare arter eller kulturminner innafor planområdet, men det foreligg kulturminner i området rundt masseuttaket. Overvassanalyse syner flaumveger nær masseuttak. Det vert lagt til grunn at verknad og fjernverknad frå overvassproblematikk og masseuttak vert vurdert mtp. forureining av landbruk/skog,



trussel mot kulturminner og verknad på sårbare arter. Flaumveger og kulturminner er synt saman med reguleringsplan egen figur.

Kommunen gjer oppmerksom på at deler eksisterande inngrep verker å vere utanfor området avsatt til masseuttak i gjeldande plan.

Ellers verker søknad og tiltak å vere i tråd med reguleringsføresegn.

DMF sine kommentarar

Oppfølging av reguleringsplanen for uttaket må skje i forhold til plan- og bygningsloven. Tildelt konsesjonsområde etter denne tildeling av driftskonsesjon er i tråd med vedtatt reguleringsplan. Ut over dette tek DMF kommunen sitt høyringsinnspel til etterretning.

Fylkesmannen i Oppland

Fylkesmannen har ingen vesentlege merknader til søknaden. Slik fylkesmannen forstår dokumenta, er driftsplanen i tråd med gjeldande reguleringsplan. Gjeldande reguleringsplan er forholdsvis gammal. Fylkesmannen har ingen nye opplysningar om miljøvernfangle forhold i området som tilseier at dei vurderingane som blei gjort da ikke er relevante for området i dag.

Fylkesmannen gjer oppmerksam på at det er enkelte avvik frå gjeldande reguleringsplan i bruken av areala i massetaket. Ifølgje fylkesmannen sine digitale ortofoto er deler av avsett klimavernsona/skjermsona vest i planområdet teken i bruk til massetak. Det er også nokon små grenseoverskridelser øst for planområdet, kor det kan sjå ut til at det er et terrenginngrep i areal avsatt til LNF.

DMF sine kommentarar

Oppfølging av reguleringsplanen for uttaket må skje i forhold til plan- og bygningsloven. Tildelt konsesjonsområde etter denne tildeling av driftskonsesjon er i tråd med vedtatt reguleringsplan. Ut over dette tek DMF kommunen sitt høyringsinnspel til etterretning.

Direktoratet for samfunnssikkerhet og beredskap (DSB)

DSB har ingen merknadar til søknad om driftskonsesjon.

DMF sine kommentarar

DMF tek DSB sin merknad til etterretning.

Norges vassdrags- og energidirektorat (NVE)

NVE har ikkje andre merknader eller innspeil til planen enn krava om å ivareta grunnvannressursar, jf. vannressurslovens § 43, som nå også omfattar same aktsemeldplikt som for vassdrag.

DMF sine kommentarar

DMF tek NVE sin merknad til etterretning.

Oppland fylkeskommune

Under føresetnad av at drifta er i tråd med reguleringsplanen, har fylkeskommunen ingen merknader i saken.



DMF sine kommentarar

DMF tek fylkeskommunen sin merknad til etterretning.

5. Korleis DMF vurderer søknaden om driftskonsesjon

Føremålet til minerallova er å fremje og sikre samfunnsmessig forsvarleg forvaltning og bruk av mineralressursane i samsvar med prinsippet om ei berekraftig utvikling.

Etter minerallova § 43 er det krav om driftskonsesjon frå DMF for samla uttak av mineralførekomstar på meir enn 10 000 m³ masse og for alt uttak av naturstein. Berre den som har utvinningsrett kan få driftskonsesjon.

Konsesjonssøknader går gjennom ei skjønnmessig prøving før det blir avgjort om det skal gjevest driftskonsesjon. I vurderinga av om det skal gjevest driftskonsesjon skal det leggjast vekt på om søkjaren er "skikka" til å utvinne førekomsten. Dette inneber at ein skal leggje vekt på om prosjektet ser ut til å vere økonomisk gjennomførbart, om det blir lagt opp til bergfagleg forsvarleg drift, og om søkjaren har tilstrekkeleg kompetanse til å drive førekomsten. I vurderinga av om det skal gjevest driftskonsesjon skal det òg leggjast vekt på omsyna som er nemnde i minerallova § 2.

DMF kan fastsette vilkår for ein driftskonsesjon. Når DMF avgjer kva vilkår som skal stillast, vurderer direktoratet mange av dei same omsyna som er relevante for vurderinga av om det skal gjevest konsesjon.

DMF har vurdert konsesjonssøknaden slik:

5.1 Utvinningsrett

Mineralførekomsten som skal utvinnast tilhører kategorien mineral som grunneigar eig. Tiltakshavaren er ikkje grunneigar for konsesjonsområdet, og det blir difor kravd avtale med grunneigaren om utvinningsretten til førekomsten. Tiltakshavaren har i søknadsprosessen lagt fram avtalar med grunneigarane forgbnr. 47/2 og 48/1 i Vang kommune som dokumentasjon for utvinningsrett.

Avtalane gjev Tiltakshavaren utvinningsrett til førekomsten på det området det er søkt om konsesjon for i avtaleperioden.

Etter DMF si vurdering har Tiltakshavaren utvinningsretten til førekomsten.

5.2 Arealstatus for tiltaket

Konsesjonsområdet har eit areal på kring 52 daa og går fram av kart «Synshagen massetak – konsesjonsområde».

Etter reguleringsplan «Synshagen massetak (R 74)», sist revidert 16. juni 2009, er området regulert til steinbrot og massetak.

5.3 Økonomien i prosjektet

DMF har vurdert tiltakshavars og prosjektets økonomi. På grunnlag av opplysningane som er gjevne vurderer DMF bedrifa som økonomisk skikka.

5.4 Driftsplan



For å sikre at kravet om bergfagleg forsvarleg drift blir oppfylt, finn DMF grunn til å ta inn i konsesjonen eit vilkår om at drifta til ei kvar tid skal gå føre seg i samsvar med ein driftsplan godkjend av DMF.

Driftsplanen skal vere eit styringsverktøy for Tiltakshavaren i gjennomføringa av uttaket, og eit referansedokument i samband med DMF sine tilsyn.

I samband med søknaden har Tiltakshavaren lagt fram eit framlegg til driftsplan for uttaket.

Framlegget til driftsplan omfattar heile driftsperioden og avsluttinga av steinbrotet. Skildringa og kart- og snitteikningar presenterer den planlagde brytinga av førekomensten innanfor arealet på 52 dekar som søknaden gjeld. Det totale volumet fast fjell som skal takast ut er estimert til 1.000.000 m³. Det årlege uttaket vil variere med marknaden. Det er planlagt drift i 3 etappar, etappe 1 med uttak av vestre del først og oppstart frå kote 560 i eksisterande brot. Utdrivne område som ikkje trengst i den vidare drifta, skal setjast i stand fortløpende. Det blir òg presentert ein plan for sikring og avslutting. Planen er å føre brotområdet tilbake til et utmarksområde.

Med einskilde merknadar tilfredsstiller framlegget til driftsplan dei krava som DMF stiller. DMF sine merknadargjeld: Permanent sikring av brotveggen. Det er synt gjerder på toppkanten av brotveggen på snitt «A-A Gjenngrodd», som syner situasjonen etter avslutning. Oppsett og vedlikehald av eit slikt gjerde er ikkje omtalt i driftsplanen og det finnast ikkje avtale om framtidig vedlikehald.

Etter DMF si vurdering kan den vedlagde versjonen av driftsplan for Synshagen massetak godkjennast på det vilkåret at marknadane blir retta seinast ved neste ajourføring/revisjon av driftsplanen.

Dersom det under drifta oppstår nye situasjoner eller andre endringar i føresetnadene for drifta, til dømes geologiske og kvalitetsmessige variasjonar, bør det likevel på visse vilkår kunne opnast for å gjere endringar og tilpassingar i planen. Dersom Tiltakshavaren ønsker å gjere vesentlege avvik frå driftsplanen, skal DMF godkjenne dette på førehand.

Undervegs i drifta kan DMF få bruk for oppdaterte kart og snitt som dokumenterer den noverande situasjonen i uttaksområdet og status i høve til den godkjende driftsplanen. Det blir difor teke inn som eit vilkår i konsesjonen at DMF kan krevje at Tiltakshavaren gjer ny oppmåling og at ajourførte kart og profilar skal sendast inn når DMF finn det nødvendig.

5.5 Bergfagleg forsvarleg drift

Kravet om at drifta til ei kvar tid skal gå føre seg på ein bergfagleg forsvarleg måte inneber at aktiviteten må vere i samsvar med tilfredsstillande faglege standardar for denne typen verksemd.

Etter DMF si vurdering er den føreslegne driftsplanen for uttaket bergfagleg forsvarleg. Ved vurderinga har DMF lagt vekt på driftsplanen for uttaket.

5.6 Kva kompetanse søkeren har til å drive førekomensten



I vurderinga av om søkeren har tilstrekkeleg kompetanse er det den totale kompetansen som søkeren har tilgang til som skal vurderast opp mot kravet om å vere skikka.

Etter forskrift til minerallova § 3-1 skal alle uttak av mineralske ressursar ha ein bergteknisk ansvarleg.

Tiltakshavaren har i søknaden gjeve opp Gjermund Strømmen som bergteknisk ansvarleg for uttaket. Personen er registrert hos DMF som bergteknisk ansvarleg for uttaket og oppfyller kvalifikasjonskrava i forskrifta.

I tillegg har søkeren opplyst at desse personane med teknisk og bergfagleg kompetanse arbeider i føretaket: Øystein Strømmen (dagleg leiar).

Etter DMF si vurdering har Tiltakshavaren tilstrekkeleg kompetanse til å drive førekomsten.

5.7 Miljøkonsekvensar av utvinninga

I vurderinga av om det skal gjevest driftskonsesjon skal det leggjast vekt på omsynet til miljøet og kulturminne.

Det finst ein reguleringsplan for uttaket, som sist ble revidert ved vedtak 16. juni 2009. Reguleringsplanen er opphavleg frå 2003.

Biologisk mangfald – vurdering etter naturmangfaldlova

Naturmangfaldlova § 7 pålegg alle offentlege instansar som tek avgjerder som påverkar naturen å vurdere planlagde tiltak opp mot prinsippa i naturmangfaldlova §§ 8–12. Reguleringsplanen, høyringsfråsegner og eigne søk i Naturbase og Artskart (giennomførte den 22. november 2018) er lagde til grunn for vurderingane etter naturmangfaldlova i DMF si handsaming av søknaden. DMF reknar kunnskapsgrunnlaget etter naturmangfaldlova § 8 for å vere tilstrekkeleg til at det kan fattast vedtak i saka. Føre-var-prinsippet i naturmangfaldlova § 9 gjeld såleis ikkje.

Det ble ikkje gjort nemneverdige funn i våre søk i Artskart og Naturbase. DMF har heller ikkje motteke høyringsinnspel om nemneverdige funn.

Etter DMF si vurdering vil slikt uttak av massar som det er søkt om ikkje vere i konflikt med forvaltningsmålet for naturtypar og økosystem som er fastsett i naturmangfaldlova § 4 eller forvaltningsmålet for artar i naturmangfaldlova § 5.

Etter naturmangfaldlova § 10 skal den samla belastinga på økosystem og naturmangfaldet i regionen vurderast.

DMF har etter søk i aktuelle databasar ikkje gjort funn som tilseier at den samla belastninga blir for stor. DMF har heller ikkje motteke informasjon frå høyringspartane som tilseier dette.

DMF har kome til at det ikkje finst avgjerande moment som talar mot å innvilge konsesjon.

5.8 Forholdet til omgivnadene og nærliggjande område under drift



Mineralressursane skal forvaltast og brukast på ein måte som tek omsyn til omgjevnadene og dei nærliggjande områda under drift. Det er difor viktig at drivaren gjennomfører nødvendige sikringstiltak for å unngå skadar på eigedom, menneske og dyr.

Atkomstvegen til brotet er stengt med automatbom og det er sett opp skilt med «adgang forbudt» ved bommen og rundt uttaket. Uttaket er også sikra med gjerde slik at ikkje gåande eller beitedyr kan komme fram til brotanten.

Brotveggane vert sikra ved at lause steinar som kan medføre fare for drifta vert tekne ned eller pigga laus.

Det er gjennomført ei støyutgreiling for tiltaket som konkluderer med at ein med bruk av støyvoll mot vest og delvis mot syd vil tilfredsstille relevante krav. Utstyret skal også plasserast i samsvar med tilrådingar i støyutgreingsrapporten.

For å begrense støvplager som følgje av drifta og spreiling til omgjevnadane skal massane vatnast.

Innsyn til uttaksområde skal avgrensast med jordvoll og ved å behalde delar av eksisterande terregn som skjerming. På seinare uttakstrinn skal skråningartilsåast og ferdigstillast for å avgrense den visuelle fjernverknaden til inngrepet.

DMF har kome til at dette ikkje er avgjerande moment som talar mot å innvilge konsesjon.

5.9 Kva tiltaket får å seie for verdiskaping og næringsutvikling

Førekomsten det er søkt om driftskonsesjon for fell inn under råstoffgrupperinga sand, grus, pukk og leire (byggjerastoff). Råstoffet blir brukt i produkt som det moderne samfunnet er heilt avhengig av og som blir brukte i bygg, vegar og anlegg.

Forekomsten vert omtalt som ein gneisgranitt av god kvalitet og forekomsten er angitt som «meget viktig» i NGUs ressurskart. Det skal takast ut fjellmassar og produserast byggeråstoff i ulike dimensjonar, som grus, pukk, kult m.m. Alle prøver viser jamn kvalitet innanfor uttaksområdet

5.10 Langsiktig planlegging for etterbruk eller tilbakeføring av området

Avslutningsplan: Delområde som ikkje er i bruk skal settast i stand før nye områder vert tekne i bruk. Området skal etter planen tilbakeførast til natur-/utmarksområde.

Rensk av brotveggar vil skje fortløpende og arrondering med stadlege massar til sikre og stabile skråningar som er tilpassa det bratte og kuperte naturterrenget som omgir uttaksområdet. Palletrinn vil bli tilsådd parallelt med uttak i neste palletrinn med artar som er tilpassa området.

Alle restar etter drifta skal fjernast frå delområde som er avslutta og det same gjeld ved endeleg avslutning av brotet.

Etter DMF si vurdering er dei planane som finst for etterbruk eller tilbakeføring tilfredsstillande, og såleis ikkje noko avgjerande moment som talar mot å gje konsesjon.



5.11 Økonomisk sikkerheit

I søknaden om driftskonsesjon har Tiltakshavaren, i samsvar med forskrift til minerallova § 2-1, gjort framlegg til korleis sikkerheit kan stillast. DMF fastset dei endelige krava til sikkerheit.

Tiltakshavar har i søknaden om driftskonsesjon føreslått ein økonomisk sikkerheit på NOK 192 870. I forslaget ligg arbeid med diverse anleggsmaskiner, tilsåing av nødvendig areal og oppsetjing av gjerde.

5.11.1. Pålegg om å stille økonomisk sikkerheit og vurdering av kor stor sikkerheita skal vere

Etter DMF si vurdering er Tiltakshavaren sitt framlegg til kor stor sikkerheita skal vere ikkje tilfredsstillande. Etter forskrift til minerallova § 2-1 tredje ledd skal den økonomiske sikkerheita vere tilstrekkeleg til å dekkje Tiltakshavaren si sikrings- og oppryddingsplikt.

DMF tek utgangspunkt i andre timeprisar enn det tiltakshavar legg til grunn. I tillegg legg DMF inn indirekte kostnadar.

Etter ei konkret vurdering av tiltaket finn DMF at Tiltakshavaren skal påleggjast å stille finansiell sikkerheit på NOK 600 000 for å sikre at naudsynte sikrings- og oppryddingstiltak blir gjennomførte etter minerallova §§ 49 og 50, jf. minerallova § 51. I vurderinga av kor stor sikkerheit som skal krevjast har DMF lagt vekt på kor komplekst uttaket er, massetype, potensiell forureiningsfare, underjords- eller dagbrotsdrift, plassering og lokale tilhøve. DMF har òg lagt vekt på sine eigne erfaringstal for tilsvarande uttak, med tillegg for eksterne og uventa kostnader.

5.11.2. Form for sikkerheit

Det skal stillast sikkerheit i ei slik form at den ikkje vil gå inn i konkursbuet i tilfelle konkurs hos Tiltakshavaren, jf. forskrift til minerallova § 2-1 tredje ledd.

Etter DMF si vurdering vil det vere føremålstenleg at den økonomiske sikkerheita blir stilt ved bankgaranti og individuell fondsavsetjing til ein bankkonto som det etter ein eigen avtale om finansiell sikkerheit skal etablerast pant i til fordel for DMF, jf. pantelova §§ 4-4 til 4-6. Tiltakshavaren skal ikkje ha råderett over denne bankkontoen, som skal vere sperra til fordel for DMF.

Bankgaranti–oppstartsfasen

DMF vurderer det som naudsynt at Tiltakshavaren, innan 2 månader etter datoén då konsesjonsvedtaket blei gjort, stiller ein bankgaranti som DMF vurderer som tilfredsstillande som påkravsgaranti for eit beløp på NOK 300 000. Dette er naudsynt for å ha tilstrekkeleg sikkerheit i oppstartfasen før fondet har nådd maksimal avsetjing. Storleiken på bankgarantien er fastsett på grunnlag av ei vurdering av kva som blir rekna for å vere tilstrekkeleg sikkerheit i denne fasen.

DMF kan fremje krav i høve til bankgarantien i desse tilfella:

- (i) Etter utløpet av Tiltakshavaren sin frist for å utføre naudsynte sikrings- og oppryddingstiltak som DMF godtek;



- (ii) Ved konkurs, opphør eller anna avvikling av Tiltakshavaren si verksemد; og
- (iii) Dersom konsesjonen blir trekt attende.

Ved melding til garantisten om at eitt av tilfella nemnde i punkt (i)–(iii) over har oppstått, skal DMF ha rett til å få utbetalt det kravet som blir gjort gjeldande etter bankgarantien, utan omsyn til motsegner frå Tiltakshavaren. Bankgarantien skal stå ved lag så lenge beløpet som står på bankkontoen ikkje har nådd NOK 300 000. Når beløpet på bankkontoen har nådd NOK 300 000, eller tidlegare etter skriftleg samtykkje frå DMF, fell plikta til bankgaranti bort.

Individuell avsetjing, avsetjingsperiode og storleiken på avsetjinga

Deretter skal Tiltakshavaren setje inn midlar på bankkontoen årleg fram til totalbeløpet på NOK 600 000 er nådd. Dei årlege innskota blir rekna ut etterskotsvis på grunnlag av masseuttaket året før. Det skal betalast inn NOK 1,52 årleg per tonn utteken masse.

Ved fastsetjinga av satsen per tonn utteken masse har DMF lagt til grunn at fondet skal byggjast opp over ein periode på 9,6 år, det vil seie NOK 62 500 per år. I søknaden er det rekna med eit uttak på 41 250 tonn/år, noko som gjev ei årleg avsetjing på NOK 1,52 per tonn.

Innbetalinga for masseuttaket må vere avsett innan 1. februar året etter.

5.11.3. Rapportering og dokumentasjon

Beløpet som står på kontoen skal dokumenterast årleg ved å gje DMF tilgjenge til ei oppdatert kontoutskrift. All avkasting på midlane skal godskrivast kontoen.

I tillegg finn DMF det naudsynt at Tiltakshavaren undervegs i drifta vurderer om den sikkerheita som er stilt er tilstrekkeleg til å dekkje kostnadene til sikrings- og oppryddingstiltak og gjev DMF tilbakemeldingar om dette. Dersom den fastsette driftsperioden for uttaket blir endra eller det skjer andre vesentlege endringar i driftsplanen, skal DMF informerast umiddelbart. Elles skal tiltakshavaren kvart femte år gjere ei ny vurdering av om sikkerheita er tilstrekkeleg. Når vurderinga er gjord, skal tiltakshavaren utarbeide ein rapport og sende den til DMF utan grunnlaust opphold.

DMF kan òg ha behov for meir rapportering og dokumentering enn det som er skildra over, og finn det difor naudsynt å påleggje Tiltakshavaren plikter i så måte i konsesjonsvilkåra.

5.11.4. Justering av sikkerheita

Etter forskrift til minerallova § 2-2 første ledd andre punktum kan DMF gjere vedtak om endring av storleiken på avsetjinga, inkludert dei årlege innbetalingane frå Tiltakshavaren, og tidspunktet for innbetaling. Slike endringar kan òg gjerast når som helst ved endringar i minerallova og andre relevante lover, forskrifter og vedtak.

6. Kor lenge driftskonsesjonen gjeld

Driftskonsesjonen kan reviderast etter 10 år.



Driftskonsesjonen fell bort dersom drifta ikke er starta opp seinast fem år etter at konsesjonen er gitt. Det same gjeld dersom drifta blir innstilt i meir enn eitt år. Det kan søkjast til DMF om å forlengje desse fristane. Driftskonsesjonen fell òg bort dersom:

- utvinningsretten for statens mineral blir sletta
- avtalen om rett til å utnytte førekomenst av grunneigars mineral går ut
- skjønn ikke er kravd innan eitt år etter at ekspropriasjonsløyve er gitt etter minerallova § 37 andre ledd bokstav a

Driftskonsesjonen kan ikkje overdragast. Det gjeld òg ved overdraging av utvinningsretten.

7. Plikter for tiltakshavaren

Tiltakshavaren har rettar og plikter som følgjer av minerallova med forskrifter.

Meldeplikt ved oppstart og stans av drift

Seinast éi veke før oppstart av drifta skal tiltakshavaren sende melding til DMF.

Tiltakshavaren skal òg sende melding til DMF før drifta mellombels blir stansa eller lagd ned i medhald av minerallova § 44.

Drifta skal utførast med varsemd

Drifta skal utførast med varsemd, slik at skadane ikkje blir større enn nødvendig. Etter minerallova § 48 skal arbeida heller ikkje føre til unødig forureining eller skade på miljøet.

Forsvarleg sikring og opprydding

Området skal sikrast slik at arbeidet ikkje medfører fare for menneske, husdyr eller tamrein. Etter minerallova § 49 omfattar sikringsplikta òg gruveopningar, tippar og utlagde massar på område som er knytte til konsesjonsområdet.

Etter minerallova § 50 skal området vere forsvarleg rydda mens arbeida går for seg. Etter minerallova §§ 49 og 50 skal området vere forsvarleg rydda og varig sikra etter at arbeida er avslutta. DMF kan fastsetje ein frist for når oppryddinga skal vere avslutta.

Ansvaret til bergteknisk ansvarleg

Bergteknisk ansvarleg har eit særskilt ansvar for å sjå til

- at drifta er teknisk forsvarleg og tek omsyn til arbeidstakrar, nærliggjande bygningar og omgivnadene elles
- at førekomenst blir avbygd på ein berekraftig måte
- at drifta til kvar tid er i samsvar med ein ajourført og godkjend driftsplan

Rapportering

Tiltakshavaren skal sende årleg driftsrapport til DMF via «Min side» på dirmin.no.

8. Rett til å klage

Partane i saka og andre med rettsleg klageinteresse kan klage på vedtaket i samsvar med reglane i forvaltingslova kapittel VI.



Fristen for å klage er tre veker etter at de har fått dette brevet. Klagen skal sendast til DMF for ny vurdering. Dersom DMF ikke finn grunn til å gjere om vedtaket, sender vi klagen til Nærings- og fiskeridepartementet, som gjer endeleg vedtak i saka. I klagen må de gjere greie for kva de klagar på, og kvifor, og de må foreslå endringar.

Etter forvaltingslova § 18 og 19 har partane i saka rett til å sjå saksdokumenta.

For nærmare informasjon om minerallova med tilhøyrande forskrifter, sjå heimesida vår på www.dirmin.no.

Med helsing

Maria Lauritzen
seksjonsleder

Thomas Furunes
seniorrådgiver

*Dokumentet er elektronisk signert og har difor ikkje handskrivne signaturar.
Sakshandsamar: Thomas Furunes*



Vedlegg:

- Synshagen massetak - konsesjonsområde.pdf
- Synshagen massetak - avtale om finansiell sikkerhetsstillelse.docx
- Synshagen massetak - godkjent driftsplan.pdf
- Synshagen massetak - pantsettelseserklæring.docx
- Synshagen massetak - påkravsgaranti.docx

Mottakarar:

Strømmen Maskin AS	Tynvegen 1276	2960 RØN
--------------------	---------------	----------

Kopi til:

Arne Osvald Søndrol	Gamlevegen 40	2975 VANG I VALDRES
Berit Sandved	Tynvegen 4965	2975 VANG I VALDRES
Bjørg A. Søndrol Silberg	Ridder Flemmings vei 28	1397 NESØYA
Direktoratet for samfunnssikkerhet og beredskap	Postboks 2014	3103 TØNSBERG
Fylkesmannen i Oppland	Postboks 987	2604 LILLEHAMMER
Gunnar Belsheim	Syndinvegen 97	2975 VANG I VALDRES
Ivar Søndrol	Tynvegen 4931	2975 VANG I VALDRES
John Myhre	Tynvegen 4963	2975 VANG I VALDRES
Kjell Ola Bakken	Tynvegen 4935	2975 VANG I VALDRES
Lage Gjever AS	Tynvegen 4854	2975 VANG I VALDRES
Marit O. Feiner Bakken	Tynvegen 4935	2975 VANG I VALDRES
Norges vassdrags- og energidirektorat Region øst	Vangsveien 73, Postboks 4223	2307 HAMAR
Oppland fylkeskommune	Postboks 988	2626 LILLEHAMMER
Roar Syndrol Johansen	Trolldalsvegen 1 A	2033 ÅSGREINA
Synshagen Næringspark AS	c/o Vang Økonomiservice, Tynvegen 4850	2975 VANG I VALDRES
Vang Energiverk KF	Tynvegen 4861	2975 VANG I VALDRES
Vang kommune	Tynvegen 5161	2975 VANG I VALDRES
Zelina La jord Wad Munk	Syndinvegen 88	2975 VANG I VALDRES